



## Yylaadig "zum letschte Ziischtig im Monät"

Ziischtig, 29.Mai 2018

Ziit: 1/4 ab sechsi

En grüerte Hofrundgang mit de Puure bi de verschidene Tier (freywillig)

**Ziit: sibni** Aattrinckete und aaschlüssend Tüüröffnig i de Beiz

D Aaleggi: schigg em Buurehof endsprechend

Adrässe: Hohrüttistrasse 12, 8127 Forch  
Telefon: 044 918 04 46 - lang la schäle...

Ab Parkplatz Forch Richtung Herrliberg isch es de 2 Hof rechts nach 2 Kilometer.  
Blickfang: Holz vor de Hütte und Hose am Silo.  
**Achtung:** Die neuen Navis finden es nicht!  
[www.zurchaltehose.ch](http://www.zurchaltehose.ch)

### D Aattrinckete im Jäger Zelt oder im Garte

Degustation vo huus- und handgemachte Salumi und Alpchäs ab em Tanneholzbrett

### De Znacht i de Beiz

*D Vorspyys*

E saisonali Suppe mit Bio Buurebrot us de Hofbäckerei

\*\*\*

*De Hauptgang (Bi öis essed au Vegetarier wieder Fleisch - wer das nöd chan, bitte melde)*

Hackbrate "zur chalte Hose" vom Weideschlachtochs mit Morchelrahmsauce und handgschtampfitem Härdöpfelstock

*De Dessert*

E Chuglä Glacée vo de Claudia

### De Pryys betreit Franke 99.— nöd ganz hundert pro Person

De Pryys beinhaltet en freywillige Hofrundgang mit de Puure, d Aattrinckete im Jägerzelt, s Menü wie obe beschribbe, e guet's Glas biodynamische Huuswy zu jedem Gang- vo eusem Fründ Bruno Porro us em Piemont, sWasser vo de Hofqwälle, s wyssä Gedeck, en nachhaltige Espresso gröstet uf de Forch und usegla us d „Faema 61 legend“, de Herr Möckli und en Parkplatz uf em Hof. Das alles wird vo de Wirtin nach em Ässe im Hoflade in **BAR** iikassiert. Zuesätzli Konsumazone werded separaat iizoge. Däzue gits passendi Musigg, romantischs Oliveölliecht und e interessanti Gsellschaft am lange Stubetisch. Alles Fleisch chunt vom Hof oder vo de eigene Jagd und alli andere Zuetate vom Ässe sind uus biologischem Aabau – Eusi Überzügig isch es, wenn Tier es artgmässes Läbä chönd führe und de Tod us "heiterem Himmel" chunt, liefereds em Mensch au es gsunds Lebes-Mittel – ebe meh als nur es Nahringsmittel - e echti Delikatesse!

D Zaal vo de Stüel isch beschränkt und reserwiere chamer jewyls ab em - **13. im Monät.** Entweder **Telefon 044 918 04 46** oder **mail@zurchaltehose.ch**. D Aamäldige werded strickt de Reie naa vom Ygang her berücksichtigt – mer händ nöd unbeschränkt Platz. Am lange Stubetisch düemer vo rechts afangä ufschlüssä, damit alli es Plätzli findet. Fründe vo de Chalte Hose dörfed au wieder ihri Fründe mitiilade (Maximum 6 ufsmal). Wer agmeldet isch und nöd cha choo, meldet sich bitte en Tag im voruuus ab, suscht muess er d Hüener go mischte!

Mer fröyed öis uf Öi und Diich !!

Claudia und de Nils